

**ANG****Bayan**

Pahayagan ng Partido Komunista ng Pilipinas
Pinapatnubayan ng Marxismo-Leninismo-Maoismo

Edisyong Hiligyanon
Tuig XL No. 8
Abril 21, 2009
www.philippinerevolution.net

Editorial

Baroto nga papel sa nagahagunos nga krisis

Mga baroto nga papel ang ginatanyag ni Gloria Arroyo agud makalampas ang mga mamumugon nga Pilipino sa nagahagunos nga krisis sa ekonomya, pakadto sa iban nga pungsod kon sa diin, siling niya ginatos ka libo nga trabaho ang nagahulat lang sa ila.

Ginalauman ni Arroyo nga sa pagduso sa mga Pilipino nga magtrabaho sa iban nga pungsod matago niya ang nagasagsag nga problema sang disempleyo sa Pilipinas kag mapaguwa nga may balatyagon siya sa mga Pilipino. Ini bisan pa nga daw daku nga *recruiting agency* ang Malacañang. Pero pareho sang iban pa niya nga tikang kag gimik sa atubang sang subong nga krisis sa pangabuhian, wala sang maayo nga mahatag ang mga ini sa pumuluyong Pilipino.


Daku nga katuntuhan ang pagduso ni Arroyo sa mga Pilipino nga magpasimpalad sa luwas sang pungsod. Sini lang nga Abril, matapos magbyahe sa Dubai kag gin-anunsyo ni Arroyo nga may nagahulat nga masobra 200,000 trabaho para sa mga Pilipino didto, nabuyagyag nga pila ka gatos nga migranteng Pilipino ang pila ka bulan na nga nagapa-ngita sang paagi nga makapauli matapos wala sang naabtan nga trabaho didto (*basahon ang kaganot nga artikulo*).

Ginalikom ni Arroyo ang matuod nga kahimtangan sang trabaho sa Dubai kag sa kadam-an sang Middle East. Halin sadtong ulihi nga kwarto sang nagligad

nga tuig, ginatos ka libo nga dumuluong nga mamumugon na ang napahalin kag napauli halin sa Middle East. Ginatantya nga halos katunga sang 13 milyon nga dumuluong nga mamumugon nga ara sa Middle East subong mapahalin kag pagapaulion tubtub sa masunod nga tuig. Nagakapeligro man ang kadam-an sa masobra duha ka milyon nga mamumugon nga Pilipino didto.

Nagadamo man ang kaso sang mga ginapauli nga mamumugon halin sa Europe, Japan, Korea, Taiwan kag iban pa nga pungsod bunga sang pangkalibutanon nga kapitalistang krisis. Ang nagalala nga problema sang mga dumuluong nga mamumugon sa Middle East salaming lamang sang nagakatabo sa bilog nga kalibutan. Sa kamatuoran, daku nga bahin sang ginatantya nga 40 milyon nga mamumugon nga madulaan sang trabaho subong nga tuig mga migranteng mamumugon halin sa mga atrasadong pungsod nga mabobligar nga mag-uli na lang kag magadugang sa nagadaku nga disempleyo sa taga-sini ka pungsod.

Sa pihak sini, ginaduso gihapon ni Arroyo nga magwa sa pungsod ang mga mamumugon nga Pilipino para hingalitan ang bisan pinakaulihi nga nabilin nga trabaho nga pwede masipot pa sa luwas sang pungsod kag



Mga tampok sa isyu nga ini...

Mga hilikuton medikal sg BHB sa Southern Mindanao
PAHINA 3

General Sodusta, napaslawan batuk sa kahublagan sa Bicol
PAHINA 6

Ika-38 anibersaryo sg KAGUMA, gindumdum
PAHINA 7

makapadala sang dolyar. Nahibal-an ni Arroyo nga sa oras nga magtibusok ang remitans sang mga migranteng mamumugon nga amo lamang ang nagatukod subong sa nagahimumugto nga ekonomya sang pungsod, magatuga ini sang daku nga litik sa iya padayon nga pagginahum.

Sa bilog nga kalibutan, ang Pilipinas ang pinakabulnerable sa madamuan nga pagpauli sang mga mamumugon nga nagatrabaho sa iban nga pungsod. Masobra 25% sang kabilugan nga pwera sa pangabudlay sini ang nagapasimpalad sa luwas sang pungsod bangud wala sang makita nga maayo nga trabaho sa pungsod. Sadtong 2008, masobra 12 milyon na ang dokumentado nga migranteng Pilipino. Mas daku pa ini kon isipon ang mga di dokumentado. Patimaan sang desperasyon sa idalum sang subong nga kahimtangan pang-ekonomya sang pungsod, nagalabot na subong sa 10,000 Pilipino (halin sa 3,000 sadtong nagligad nga tuig) ang nagaaplay sang pasaporte kada adlaw sa tuyo nga makatrabaho sa iban nga pungsod.

Ang ekonomya sang Pilipinas ang numero uno nga nakasandig sa

dumuluong nga remitans, nga katumbas na subong sang 10% sang kabilugan nga produksyon (Gross Domestic Product) kag halos 50% sang reserba nga dolyar (Gross International Reserves) sang Pilipinas. Bunga sang madamuan nga pagpauli sang mga migranteng mamumugon, ginatantya nga maganubo sang tubtub 15% ang kabilugan nga remitans subong nga tuig. Daku ang peligro nga dalayon nga magaus-os ang ekonomya bunga sang paggamay sang remitans sang mga migranteng Pilipino.

Kadungan sini, padayon nga nagatibusok ang lokal nga produksyon kag negosyo. Patimaan ini sang pagdausdos sang pangunahon nga “industriya” sa pungsod, ang malamanupaktura sang mga pyesa nga elektronik nga nagabug-os sang halos 70% sang kabilugan nga eksport sang pungsod. Sadtong nagligad nga tuig, nagtibusok ang eksport nga ini sang 50% bangud sa pagbagsak sang pangkalibutanon nga balaligyaan sini. Nagtibusok man sang 50% sining nakaligad nga tuig ang direkta nga pamuhunan, nga amo ang pangunahon nga nagasuporta sa produksyon sa mga *export processing zone* kag iban pa

nga malamanupaktura kag reeksport. Pangunahon nga responsible sini ang pagpatuman sang imperyalista nga polisiya sang “globalisasyon” nga labing nagdugmok sa lokal nga ekonomya sining nagligad nga mga dekada.

Samtang, wala naman sang nahimo nga maayo nga tikang ang rehimen para makatuga sang bastante kag signipikanteng trabaho sa sulod sang pungsod. Nagtigana si Arroyo sang P350 bilyon nga pondo nga siling niya “pangpasikad sang ekonomya,” pero bisan isa ka sentimo wala naman sang ginpuhunan sa produktibong industriya ukon sa pagpatuman sang reporma sa duta. Malaot pa, magakadto lamang ang kadam-an sini sa bulsa sang hubon Arroyo kag sa mga padihot nila para makakapyot sa poder. Sa kama-tuoran, ang resorsa sang gubyrno nakatalana para bayaran ang mga dumuluong nga utang sang gubyrno, patambukon ang militar kag pulisya kag hugakumon sang dalok nga nagaharing hubon.

Padayon nga nakalansang sa tuman kanubo nga lebel ang sweldo sang mga mamumugon kag empleyado. Kulang ang pondo para sa mga basehang serbisyo sosyal. Kag wala na gani sang ginahatag nga matuod nga solusyon sa pumuluyo labi pa sila nga pagapugaon paagi sa dugang nga mga palas-anon nga buhis.

Sa atubang sang nagasingki nga krisis kag kawad-on sang simpatiya sang rehimen Arroyo sa ginapi-gos kag nagaantos, labi nga nagaat-hag sa pumuluyong Pilipino nga wala na sila sang iban nga madangpan kundi ang manindugan, maghulag kag magbato. Ang pagbato nila sa mga polisiya sang rehimen kag paghulag agud tapuson ang nagahari nga garuk nga sistema ang solo nga paagi para mahaw-as nila ang ila mga pamilya kag ang pungsod sa kumunoy sang krisis nga ila natumbahan.

AB



Tuig XL No. 8 Abril 21, 2009

Ang *Ang Bayan* ginabantala sa lengwahe nga Pilipino, Bisaya, Iloko, Hiligaynon, Waray kag Ingles.

Mahimo ini i-download halin sa *Philippine Revolution Web Central* nga makit-an sa:

www.philippinerevolution.org

Nagabaton ang *Ang Bayan* sang mga kontribusyon sa porma sang mga artikulo kag balita. Ginabuyok man ang mga bumalasa nga magpaabot sang mga saway kag rekomendasyon sa ikauswag sang aton pahayagan.

Malab-ot kami paagi sa e-mail sa: angbayan@yahoo.com

Kaundan

Editorial	1
Mga kabutigan ni Arroyo	3
Hilikuton medikal sa Southern Mindanao	3
Hilikuton medikal sa taktikal nga opensiba	4
Klinika sg pumuluyo	5
Tatlo ka bag-ong hilway nga bihag sg BHB	5
Madinalag-on nga opensiba sg BHB	
5 suldalo, napilasan sa Bontoc	6
General Sodusta, napaslawan sa Bicol	6
Ika-38 anibersaryo sg KAGUMA, gindumdum	7
Makabayan: Pwera sa away elektoral	8
Pagpanghalit sg pasistang estado	
Pagpangharas sg militar sa Davao City	9
Lider sg BHB, gintortyur sg militar	9
Lumad bilang paramilitar	10
Mga sibilyan sa Rizal, ginaipit	10
Progresibong doktor, ginpatay	11
Balita	11

Ang *Ang Bayan* ginabantala duha ka beses kada bulan sang Komite Sentral sang Partido Komunista sang Pilipinas

Mga kabutigan ang solo nga ginpauli ni Arroyo halin sa Dubai

Nagpadihot si Arroyo sang “*job summit*” sa Dubai, kapitolyo sang United Arab Emirates (UAE), kon sa diin ginpulong niya sining katung-anan sang Abril ang 16 nga nagapanguna nga tagapag-emplo halin sa UAE kag iban pa nga pungsod sa Middle East agud magpakalimos sang mga dugang nga trabaho didto para sa mga mamumugon nga Pilipino. Pangunahon nga ginainteresan ni Arroyo ang UAE sining nagligad nga mga tuig bangud ini ang pinakamadamo na nga ginabaton nga mga dumuluong nga mamumugon. Insigida pagkaabot gid ni Arroyo halin sa Dubai, gin-anunsyo sang Malacañang nga nakakuha kuno si Arroyo sang promisa nga 221,131 trabaho halin didto kag sa iban pa nga pungsod sa Middle East, luwas pa sa mga trabaho nga nakalap man kuno sang Philippine Overseas Employment Administration.


Pero kabaliskaran sang ginapaguwa sang Malacañang nga bukas pa sa madamo nga dumuluong ang UAE, nagaistrikto na ini subong sa pagpasulod sang mga dumuluong nga mamumugon. Bunga ini sang mabaskog na nga pag-igo subong sang pangkalibutanon nga krisis pangpinansya kag pang-eko-

nomya sa UEA. Halin 25% tubtub 75% sang mga negosyo (labi na sa sektor sang komersyo, konstruksyon/pabalay kag pamuhunan) sa UEA ang nagkalabagsak kag nagasalara subong. Nag-untat na ang masobra \$500 bilyon balor sang mga proyekto nga konstruksyon sa UEA nga sadto may pinakamadamo nga ginaempleyo nga dumuluong nga mamumugon didto.

Halin sadtong Oktubre 2008, nagalab-ot sa 2,000 dumuluong kada adlaw sa UEA ang nagabaton sang pormal nga notisya nga ginapahalin na sila kag ginapauli sa ginahalinan nila nga pungsod. Mas madamo pa ang napahalin kag ginpauli nga wala sang ano man nga notisya. Isa ka katuntuhan nga sa panahon nga ara si Arroyo sa UEA, ang 137 Pilipino nga drayber nga napangakuan sang trabaho didto tatlo ka bulan na nga nagahulat pero wala sang makuha nga trabaho. Napilitan sila nga mang-ukay sa mga basurahan para lang may makaon.

Amo man sini kalala ang igo sang krisis sa Oman, gani halin sa sadtong Hulyo 2008 ginadumilian na sini ang pagpasulod sang dugang nga dumuluong nga mamumugon sa pungsod. AB

Madinalag-on nga hilikuton medikal sang BHB sa Southern Mindanao



Nagaatubang sa isa ka kompyuter si Ka Mian kag Ka Chad sa ila upisina sa sulod sang hedkwarters sang isa ka yunit sang hangaway sang banwa sa mabulubukid nga bahin sang Southern Mindanao Region. Masako sila sa paghanda sang tuigan nga report medikal sang ila yunit. Si Ka Mian ang nagatindog nga upisyal medikal sang isa ka kumpanya sang Bag-ong Hangaway sang Banwa samtang si Ka Chad ang iya katimbang. Sa kabilugan 26 nga medik sila nga nakatipon sadto sa hedkwarters.


Suno sa ginahanda nila nga report, nagalab-ot sa 3,730 pasyente ang naserbisyuhan sang istap halin Hulyo 2007 tubtub Oktubre 2008, lakip ang mga Pulang hangaway kag linibo nga residente sa mga baryo nga

sakop sang ila operasyon.

Natigayon nila ang paghatag sang kinahanglanon nga serbisyo medikal sa masa paagi sa paglunsar sang mga klinika sang pumulyo. Sa pila ka kahigayunan nga ginatugot sang sitwasyon, nakahimo man sila sang mga konsultasyon sa mga indibidwal. Lakip sa mga ordinaryo nga balatian nga ila ginhatagan sang bulong amo ang *trangkaso, dysentery, sinusitis, tonsilitis, malarya, amoebiasis, hyperacidity, pulmonya, urinary tract infection* kag *ulcer*. May ika-sarang man sila nga maghimo sang pila ka minor nga pag-opera pareho sang pagpaltak kag pagkuha sang *cyst* kag *ingrown* nga mga kuko.

Sistematiko nga ginaamligan sang istap medikal ang ikaayong-lawas sang mga kapareho nila nga Pulang hangaway. Kada adlaw, may ginatalana nga *medic of the day* (MD) para makasiguro nga nagasunod sa regulasyon sang sanitasyon ang kada payag, kusina kag kasilyas. Isa ka halimbawa sini ang pag-siguro nga isterilizado ang mga *lunch box* sang kada hangaway sa kusina labi na kon may epidemya sa lugar. Ginasisiguro man nila ang may kutkut ang kada tim ukon iskwad para sa husto nga paghaboy sang basura. Ang mga MD ang nagamonitor sa mga may balatian kag nagareport sa ila kahimtangan sa sentral nga kumand.

May nakatalana nga medik sa kada tim ukon iskwad. Sila ang may pangunahon nga responsibilidad sa pagsubaybay sa pasyente. Ginasi-



Hilikuton medikal sa mga taktikal nga opensiba

Kabahin sang mga katungdanan sang istap medikal ang paghatag serbisyo sa mga pilason sa panahon sang mga taktikal nga opensiba. Sandig sa mga polisiya sang BHB, nagaupod na ang istap medikal sa paghanda pa lang para sa opensiba.

Bangud nagaupod ang mga istap medikal sa mga taktikal nga opensiba kag may mga panahon nga nagapasakop man sa inaway, nagaagi man sila sa mga paghanas-militar pareho sang iban pa nga Pulang hangaway.

Sa inagihan nanday Ka Mian, malaba-laba nga panahon ang ginatalana sa paghanda sang mga suplay medikal kon maglunsar sang taktikal nga opensiba. Una sa tanan, kinahanglan mapreparar ang mga kagamitan kag bulong para sa pagtapna sang pagdugo pareho sang *elastic bandage, top dressing, cotton balls* kag mga bulong nga pang-emerhensya. Ginasisiguro man nga isterilizado ang mga pang-ineksyon kag mga instrumento para sa minor nga pag-opera kag naka-istak nga anestisya.

Kinahanglan pagaisahon ang tanan nga mga imbolbado nga medik para mangin matalunsay ang pagtungod sang kada isa sa mga hilikuton nga nakatalana sa ila. Ikatlo, ginaareglo na ang sistema sang *stationing* ukon pagtululunga sang mga medik kag ila mga tulungdan.

May tatlo ka istasyon ang istap medikal sa panahon sang inaway. Ang una nga istasyon nakatalana sa *frontline* ukon *firing line* kag sila ang ginasaligan nga maghatag sang pauna nga panabang sa mga pilason nga hangaway kag magadul-ong sa ila sa ikaduha nga istasyon. Sa pangaduha nga istasyon ginabulong sang nakatalana nga mga medik ang pasyente. Nakapwesto ang istasyon nga ini sa *main body*. Sa ikatlong istasyon ukon mobile station ginahanda ang mga kagamitan para sa pag-atras sang mga pilason pareho sang mga balangkat, istretser, duyan, malong, pisi kag iban pa.

Kabahin sang pangkabilugan nga paghanas-militar ang paglunsar sang malip-ot nga kurso sa pauna nga panabang sa bilog nga pwersa sang BHB para mangin muklat ang tanan nga hangaway luwas pa sa mga medik kag maarmasan ang tanan sang kinaalam medikal.

AB

guro nila nga nainom sang mga pasyente ang takda nga mga bulong kag pana-panahon sila nga nagatsek-ap sang ila presyon kag iban pa nga *vital sign*.

Ginahatagan man sang bastante nga atensyon medikal ang mga indibidwal nga nagasulod sa hedkwarters kag ang mga nagapangayo sang partikular nga bulig. Masami ini nagakatabo labi na kon nahibal-an sang tagabaryo nga may yunit sang BHB nga nakahukmong malapit sa ila baryo. Hungod nila nga

ginapangita ang mga hangaway para diri.

Sa inagihan sang mga kaupod sa SMR, daku katama ang amot sang hilikuton medikal sa pag-organisa labi na sa mga lugar ng ginarekober. Sa pagtigayon sang hilikuton medikal, labi nga nangin maathag sa masa nga ang BHB ang matuod nila nga hangaway.

Sa pihak nga bahin, ginpaam-bit man ni Ka Chad ang baraghal nga kinaiya sang AFP nga nagahimo sang Civac sa isa ka baryo sang

Compostela Valley sadtong Mayo 2008.

“Didto sa amon nga prente naglunsar kami sang klinika sang pumuluyo sadtong Hunyo 2008. Antes sini nakalunsar na sang serbisyo medikal ang kaaway upod ang mga lokal nga upisyal sang barangay kag *health workers* sadtong Mayo. Madamo nga reklamo ang mga residente bangud naimpeksyon ang mga pasyente. Nagbanog ang mga kinatawo sang mga ginpaltakan kag ang mga ngislo sang mga gingabutan sang ngipon. Ginhatagan kuno sila sang *syrup* nga ilimnon. Ginlantaw namon ang etiketa. ‘Asus, bastos gid matuod ang kaaway bangud ang mga bulong nga ginhatag *expired*.’ Siling sang isa ka tagabaryo, ‘Kon mas temprano tani kamo nga nag-abot, sa inyo na lang tani kami magpa-opera.’”

May ara naman nga mga wala magabutan sang ngipon kag napaltakan sang kaaway gani sila na lang ang gin-asikaso sang mga medik. Pagkaligad sang pila ka adlaw, gin-usisa sang mga kaupod ang pila nga ginpaltakan kag nagabutan. Wala sang impeksyon kag maayo ang pagpali sang mga pilas. Siling nila, wala sang kapares ang BHB. Indi gid matupungan. AB

Klinika sang pumuluyo

Katuwang ang istap medikal sa hilikuton pangmasa sang kumpanya sang BHB nga ginapasakupan nanday Ka Mian. Suno pa kay Ka Mian, “Sa mga lugar nga ginahulagan sang BHB, nagaplano kag nagaprograma sini para ipatuman ini sang mga platun sang kumpanya sa pagpanguna sang mga istap nga nakalubog sa mga iskwad kag tim.

“Kinaandan nga ginalunsar ang klinika sang pumuluyo kon nagasugod sang hilikuton pangmasa ang BHB sa isa ka erya. Para mas malapad ang malab-ot, ginahatagan sang istap medikal ukon sang upisyal medikal sang malip-ot nga kurso ang tanan nga mga hangaway sang platun ukon iskwad,” dugang pa ni Ka Chad.

“Ginatudlo sa tanan ang mga pamaagi sa pagstek-ap sa pasyente, pamilyarisasyon sa kagamitan, lain-lain nga tipo sang balatian kag ang mga pamaagi sang pagbulong sa mga ini.” AB

Tatlo nga bag-ong hilway nga bihag sang BHB, wala pa makabalik sa ila pamilya

Wala pa gihapon makaupod sang tatlo ka pulis ang ila mga pamilya pila ka simana pagkatapos sila hilwayon sang Bag-ong Hangaway sang Banwa (BHB) sadtong Marso 27. Nahibal-an sang Narciso Antazo Aramil Command (NAAC-BHB) sang Rizal nga nagapabilin sila nga nakahunong sa pangprubinsya nga hedkwarters sang PNP sa Hilltop, Barangay Dolores, Taytay, Rizal. Wala sila ginapahanugutan nga makapauli.

Ginapaidalom sa wala katapusan nga interogasyon sang Armed Forces of the Philippines (AFP) kag mga upisyal sa Philippine National Police (PNP) sanday Insp. Rex Cuntapay, PO1 Marvin Agasen kag PO1 Alberto Umali bangud na-*brainwash* kuno sila sang BHB. Wala nakaagi sang amo sina nga pagtratar ang tatlo ka pulis sa sulod sang 83 adlaw nga pagkabihag nila, siling ni Macario “Ka Karyo” Liwanag, tagapamaba sang NAAC-BHB.

Nag-abot na ang Semana Santa wala pa gihapon nila maupod ang ila mga pamilya. Bisan si PO1 Agasen wala ginpahanugutan nga magtambong sa gradwesyon sang iya bugtong nga anak nga babae. Ang paghilway sa mga bihag gintinguhaan mapatuman sang BHB isa ka adlaw antes ang gradwesyon sang anak ni Agasen para may panahon siya nga makatambong didto bangud pinakahandum niya ini.

Siling ni Ka Karyo Liwanag, nagahambal lang sang matuod ang anay mga bihag nga sila makatawo nga gintratar sang BHB kag may nagaluntad subong nga duha ka gubyerno sa Pilipinas—ang reaksyonaryo nga gubyerno ni Gloria Arroyo kag sa pihak nga bahin, ang Demokratiko nga Rebolusyonaryo nga Gubyerno sang Pumuluyo. Sanday Cuntapay gin-aresto, ginditiner kag gin-imbistiga santo sa mga rebolusyonaryo nga pagsulundan kag awtoridad. Gintratar sila bilang mga “bihag sang gera” kag boluntad nga ginhilway sang Demokratiko nga Gubyerno sang Pumuluyo base sa makatawo nga kunsiderasyon. Ini ang kamatuoran nga indi pag-akuon sang mga reaksyonaryo nga upisyal sang AFP, PNP kag GRP.

Ginapilit kuno sang ila mga upisyal ang tatlo ka pulis nga maghambal sang malain batuk sa BHB. Nabudlayan sila nga himuon ini bangud sa kamatuoran sa sandigan maayo ang BHB, siling ni Ka Karyo Liwanag. Sa amo pa man, bangud sila ara sa kamot pa gihapon sang PNP, indi na makibot ang rebolusyonaryo nga kahublagan kon mapilitan pa gihapon ang tatlo nga baliskaron sa publiko ang tunay nga mga hitabo kag ang ila maayo nga pagkilala sa mga Pulang hangaway sang Bag-ong Hangaway sang Banwa. AB



5 suldado, napilasan sa Bontoc

Napaslawan ang mga suldado sang rehimeng Arroyo nga tublagon ang pagsaulog sang ika-40 anibersaryo sang Bag-ong Hangaway sang Banwa (BHB) sa Mountain Province sang napilasan ang lima sa ila sa pagpang-ambus kag operasyon isnayping sang Leonardo Pacsi Command (LPC) sang BHB sa Mountain Province halin Marso 30 tubtub Abril 1 sa Mt. Bato kag Mt. Degway, Mainit, Bontoc.

Suno sa report ni Ka Magno Uyao, tagapamaba sang LPC, paktor sa pagpaslaw sa maitom nga plano sang pasistang tropa ang mga pagkabisar sang mga gerilya sa kalupaan, maayo nga pag-uyat sang mga taktika nga gerilya kag mabaskog nga suporta sang pumuluyo sang Cordillera. Bal-an sang pumuluyo diri nga ang operasyon militar sang kaaway may angot sa dalagku nga interes sang mga higante nga kumpanya sang minahan sang burgesya kumprador kag mga dumuluong nga kapitalista pareho sang Lepanto Consolidated Mining Corporation.

Antes matabo ang apat ka beses nga inaway, nakabaton sang mga report sadtong Marso 26 ang LPC nga may daku nga paghulag ang kaaway. Indi magnubo sa walo nga trak kag isa ka Humvee halin sa headquarters sang 5th ID sa Isabela ang ginpapanaog sa isa ka *patrol base* sang Philippine Army sa Barangay

Guinaang, Bontoc kag sa iban pa nga mga lugar.

Sa pihak sini, madinalag-on gihapon nga nahiwat sang hangaway sang banwa kag mga tagabaryo ang ika-40 anibersaryo sang BHB sadtong Marso 29. Nakapauli gid lang ang mga tagabaryo sa ila mga puluy-an sang mag-umpisa ang linupok.

Nagasulunod nga natabo ang una nga duha ka inaway bandang alas-9:30 sang aga sadtong Marso 30 sa Mt. Bato kag Mt. Degway. Gin-ambus naman sang isa pa ka gamay nga yunit sang LPC ang mga tropa militar nga pasaka sa Mt. Bato bandang alas-2:00 hapon. Gilayon nga nag-abot ang reimpsment sa Bontoc halin sa Isabela samtang nagahimo naman sang istraping ang duha ka helikopter malapit sa lugar nga gin-awayan nga kagulangan.

Nagdugang sang mga reimpsment ang kaaway sadtong Marso 31 samtang ginaistraping sang duha ka helikopter ang kagulangan nga bahin sang Bontoc kag naaminhang bahin sang Sagada. Masunod nga adlaw, Abril 1, naglunsar sang isnayping ang BHB bandang alas-6:00 sang aga batuk sa nagakampo nga mga suldado sa Mt. Bato. Bunga sini, kinahanglan ang dugang nga mga tropa halin sa Bontoc para makuha nila ang ila mga kaswalti. Nagsugod nga maghakat ang duha ka Huey nga helikopter bandang alas-8:00 sang aga kag natapos ini sang alas-2:00 sang hapon.

AB

General Sodusta, napaslawan nga dugmukon ang kahublagan sa Bicol

Balon ni Maj. Gen. Jeffrey Sodusta sa iya pagretiro sa serbisyo sadtong Abril 8 bilang puno nga kumander sang 9th Infantry Division sang Philippine Army (9th ID-PA) ang kapaslawan nga dugmukon ang rebolusyonaryong kahublagan sa Kabikulan.

“Wala sang idlak” ang iya medalya, siling ni Ka Greg Bañares, tagapamaba sang National Democratic Front sang Bicol, bangud wala niya mapahapa ang baseng masa kag padayon nga nagasulong ang armado nga rebolusyonaryong paghimakas sa rehiyon.

Ang solo nga mapabugal nga “kadalag-an” ni General Sodusta bilang hepe sang 9th ID kag Joint Task Force Bicol (JTFB) amo ang tuman kadamo nga mga kaso sang ekstrahudisyal nga pagpamatay sang mga inosente nga sibilyan, pagdukot, pagtortur kag iban pa nga pasista nga kapintas batuk sa pumuluyo.

Padayon nga ginabunalan sang BHB ang mga papet kag reaksyunaryong tropa sang AFP, PNP kag paramilitar sa Bicol sa pihak sang pagtukod sang isa ka brigada pang-

kombat (tatlo ka batalyon sa minimum) kag pila ka kumpanya sang CAFGU kag pagsandig sang AFP sa ayuda militar sang US. Suno kay Bañares, nakalunsar sang mabaskog nga taktikal nga opensiba ang BHB sa ulihi nga bulan sang pag-alagad ni General Sodusta sa rehiyon kag nakatuga ini sang madamo nga kaswalti nga nakapalala sa demoralisasyon sang mga upisyal kag tinawo sang AFP.

Halin Enero tubtub una nga si-mana sang Abril 2009, nakalunsar ang BHB sa rehiyon sang baynte'y singko (25) taktikal nga opensiba nga ginalakipan sang anum ka ambus, isa ka reyd, 16 nga pagpangharas kag isnayping kag mga pagsilut. Nag-agi ang BHB sang duha ka

dependensiba nga inaway, pero nalutos pa gihapon sini sa maniobra ang mga bayaran nga suldado. Kwarenta'y kwatro nga mga elemento sang kaaway ang napatay, indi magnubo sa 40 ang napilasan kag pila ka mabaskog nga kalibreng armas kag bala ang naagaw halin sa ila.

Wala nakatuon si General Sodusta sa iya mga inagihan. Antes siya ginsaylo sa Bicol nangin kumander siya sang 303rd Brigade sa Negros sadtong 2002 kon sa diin napaslawan man ang ginapabugal niya nga Oplan Gordian Knot (ang lokal nga bersyon sang OBL1). Suno kay Bañares, dapat mahibal-an ni Sodusta kag tanan nga heneral sang AFP kag PNP nga tubtub san-

o indi magmadinalag-on ang isa ka kontra-rebolusyonaryong gera bisan buhusan pa ini sang suporta sang US. Wala ini nagaangkon sang suporta halin sa malapad nga pumuluyo bangud ini sa kinaiya nga reaksyunaryo, mapintas kag nagadepensa sa isa ka garuk kag mapiguson nga sistema sang katingban.

Suno pa sa tagapamaba sang NDF-Bicol, bisan nagretiro na si General Sodusta bilang puno nga kumander sang 9th ID-PA kag isa sa mga pangunahon nga tagapatuman sang mapintas nga Oplan Bantay Laya 2 (OBL2), mahimo gihapon siya arestuhon kag bistahon sang rebolusyonaryo nga Hukmanan sang Pumuluyo.

AB

Ika-38 anibersaryo sang KAGUMA, gindumdum

Gindumdum sang Katipunan ng mga Gurong Makabayan (KAGUMA) ang ika-38 anibersaryo sini sadtong Marso 28 paagi sa pagpaguwa sang espesyal nga isyu sang ila pahayagan nga *Liyab*. Bangud pagasaulugon man pagkaaga ang ika-40 tuig sang pagkatukod sang Bag-ong Hangaway sang Banwa (BHB), nagsaludo ang KAGUMA sa pagkadungganon kag pagkabaganihan sang BHB bilang tunay nga hangaway kag tagasakdag sang pungsudnon-demokratiko nga interes sang pumuluyong Pilipino.

Kaangut sa anibersaryo sang KAGUMA, ginupod sa isyu ang sanaysay ni Prof. Jose Maria Sison nga ginatig-uluhan "Bahin sa Pungsudnon-Demokratikong Kahublagan sang mga Manunudlo." Suno kay Sison, dapat atubangon subong nga panahon ang hangkat sang pagguba sa mga pundasyon sang malakolonyal kag malapyudal nga katilingban nga Pilipino kag sang imperyalismo nga US. Ang mga rebolusyonaryo nga pwersa sa Pilipinas kag iban pa nga mga pungsod, siling niya, madasig nga nagabangon para bayluhan sang bag-o ang daan.

Dugang niya, "Ang tanan nga mga manunudlo kag mangin manunudlo nga nagadampig sa kamatuoran, katarungan kag progreso dapat makig-isa sa Ikaduha nga Dungganon nga Kahublagan Propaganda kag

mangin depinido nga pwersa sang pungsudnon-demokratiko nga kahublagan." Para mahimo nila ini, dapat nila isikway ang tanan nga sahi sang wala sang kapuslanan nga kaisipan sa eskwelahan. Dapat nila hakson ang mga ideya nga makaubay sa pungsodnon-demokratiko nga rebolusyon kag hugot nila nga iangut ini sa kongkreto nga kahimtangan sa Pilipinas.

Ginbalhag man sa *Liyab* ang artikulo ni Tagapangulong Mao Zedong bahin sa integrasyon sang mga intelektwal sa masa nga mamumugon kag mangunguma. Sa artikulo nga ini, ginganyat ni Mao ang mga intelektwal pareho sang mga manunudlo, manunulat, artista kag mga syentipiko nga manalawsaw nga magkadto sa kaumhan, mga pabrika kag mga baryo bangud tuman kalain kon sa bilog nga kabuhi sang isa ka intelektwal nga wala man lang siya sang makilala bisan isa ka mamumugon ukon mangunguma.

Nagsaludo man ang KAGUMA sa kapareho nila nga manunudlo nga si Rebelyn Pitao, 20, nga gindukot, ginpaantus, ginlugos kag ginpatay sang mga armado nga galamay sang rehimeng US-Arroyo sadtong Marso 4. Siling nila, ang brutal nga pagpatay kay Rebelyn kag tanan nga mga biktima sang terorismo kag pasis-



mo sang estado kag sang imperyalismo labi lamang nga “naghatag-rason kag nagapakita sang pagkamarung sang pursigido nga pag-entra sa demokratiko nga rebolusyon sang gatos ka libo kag milyon nga manunudlo kag pumuluyo nga Pilipino.”

Ang KAGUMA isa ka tago nga pungsodnon-demokratiko nga organisasyon sang mga manunudlo, mga estudyante nga manunudlo kag mga empleyado sa

edukasyon nga nagahiliusa para isulong ang demokratiya nga rebolusyon sang banwa. Isa ini sa mga alyado nga organisasyon sang National Democratic Front of the Philippines (NDFP). Sang ginpapanaog sadtong Septyembre 1972 ang layi militar sang diktaduryang US-Marcos, gindeklarar nga ilegal ang tanan nga hayag nga pungsodnon-demokratiko nga organisasyon masa lakip ang KAGUMA. **AB**

Makabayan: Napanahon nga pwersa sa paghimakas elektoral

//Ini ang makasaysayan nga napanahon nga nagakahulugan...sang daku nga pagsulong sang kahublagan sang pumuluyo para sa tunay nga pungsodnon nga independensya, demokrasya, katarungan nga pangkatilingban kag tanan-nga-bahin nga kauswa-gan.” Ini ang mensahe ni Prof. Jose Maria Sison sa pagtukod sang Makabayang Koalisyon ng Mamamayan (MAKABAYAN), isa ka koalisyon sang mga progresibo nga partido sa pagpanguna sang Bayan Muna, ANAKPAWIS kag GABRIELA, sining Abril 16. Ginhiwat ang okasyon sa Bahay ng Alumni sa University of the Philippines sa Quezon City.

Ang MAKABAYAN nagatuyo nga magpasakop sa paghimakas elektoral paagi sa pagpadalagan sang kaugalingon nga mga kandidato sa lainlain nga lebel sang gubyrno kag pagbuligay sa iban pa nga Partido kag personahe nga makighiliusa sa katuyuan nga ini. Siling ni Sison, ang pagtukod sang MAKABAYAN napanahon nga konsolida-

syon sang mga kadalag-an sa paghimakas elektoral sang mga progresibo nga partido kag mga kaangut nga organisasyon masa. Temprano siling niya ini nga paghanda para sa eleksyon 2010 nga gusto pungan ukon dayaon sang reaksyunaryong hubon Arroyo para padayon nga magkapyot sa poder.

Ginlarawan ni Sison ang MAKABAYAN bilang pinakamabaskog nga pwersa nga oposisyon bangud ini ang pinakapinsipyado nga kasangkapan sang pumuluyo, may pinakaimportante nga plataporma nga patriyotiko kag progresibo, ginapatapuan sang pinakadisdido kag pinakaaktibo nga mga alagad sang pumuluyo kag nagaangkon sang pinakamalig-on kag pinakamasaligan nga baseng masa sa bilog nga pungsod. Natilawan na siling niya ang kalig-on sang mga progresibo nga partido kag lider batuk sa tentasyon sang pagpakatuta kag korapsyon liw-as sa kagarukan kag wala-sangintegridad nga amo ang marka sang mga pulitiko nga tradisyunal.

Gindayaw ni Sison ang mga prinsipyo kag ang pangkabilugan nga programa sang MAKABAYAN nga siling niya nagasabat sa reklamo sang pumuluyo para sa pulitika sang sandigan nga pagbag-o kag importante nga reporma, maayo nga pagdumala, pag-asenso sang imol, pungsodnon nga independensya kag iban pa nga handum nga makatarungan kag gilayon.

Ang asembleya sang pagtukod sang MAKABAYAN may tema nga “Pilipino para sa pagbag-o! Pagbag-o para sa Pilipino!” nga siling ni Sison lubos nga ginapalawig indi lamang sang mga pangkabilugan nga prinsipyo kundi subong man sang mga kongkreto nga plano nga nagaserbi sa mga gilayon nga kinahanglanon sang pumuluyo labi na subong nga grabe sila nga nagaantus bangud sa pagpamigos kag pagpanghimulos.

Kalakip sa mga personahe nga nagtambong sa asembleya sanday Sen. Manuel Roxas, Sen. Ana Consuelo Madrigal, Sen. Francis Pangilinan, Rep. Matias Defensor, Rep. Teofisto Guingona III, Rep. Del de Guzman, Rep. Abigail Binay, Rep. Rodolfo Plaza, Rep. Jose de Venecia kag asawa niya nga si Gina, Mayor Feliciano Belmonte kag Vice Mayor Herbert Bautista sang Quezon City, anay Sen. Leticia Ramos Shahani, ang National Artist nga si Bienvenido Lumbera, kag ang direktor sang pelikula nga si Joel Lamangan. **AB**





Pagpangharas sang militar sa Paquibato District, Davao City

Katulad sang daku nga garison ang distrito sang Paquibato sa Davao City bangud sa mabaskog nga militarisasyon. Sa balkonahe sang *barangay hall* sang Barangay Mabay, nakapusisyon ang isa ka M60 masinggan. Sa Crossing Hasil sa dulunan sang Paquibato kag Panabo City, gintukod ang isa ka tsekpoynt kag ginarekisa ang tanan nga salakyan nga nagaagi.

Lapnagon ang paglapas sa tawhanong-kinamatarung sa Paquibato. Isa sa pinakaulihi nga kaso ang pagpatay sang militar sadtong Marso 12 kay Uriel Emata Clerigo, isa ka residente sang Paquibato kag isa sa mga lokal nga lider ni Rodrigo Duterte, meyor sang Davao City. Gintiro si Clerigo sa sulod sang iya balay sa Paradise Embac. Isa si Clerigo sa nagakundenar sa mabaskog nga militarisasyon sa Paquibato kag pagdamo sang mga tropa sang militar diri.

Anom ka residente sang Paquibato ang ginrekisa sadtong Marso 2 sa tsekpoynt sang militar kag ginpangayuan sang sedula. Pakadto tani sila

sa *city hall* para magtestigo sa pagbisita sang sangguniang panglunsod sang Davao City bahin sa pagpanakit sang mga suldado sa mga sibilyan.

Samtang, ginpahog sang militar ang kabuhi ni Elgin Damasco, *news director* sang DXDC-Davao sang Radio Mindanao Network (RMN). Sa iya programa sa aga sa radyo sadtong Marso 16, nakabaton siya sang mensaheng text sa *cellphone* nga nagpahog nga patyon siya bangud nagaakto kuno siya nga tagapamaba sang BHB. Ginabantayan man sang indi makilala nga mga tawo ang komunidad nga ginapuy-an ni Damasco kag ginapamangkot kon diin siya nagapuyo kag ang *station manager* sang DXDC nga si Dodong Solis.

Sadtong Pebrero 23, nagkadto si Damasco sa Paquibato para kumpirmahon ang mga pahayag bahin sa pagpanakit sang militar sa mga residente. Ginainterbyu niya ang isa ka upisyal sang barangay kag nahibal-an nga matuod ang mga abuso sang militar sa lugar.

Nagbalik si Damasco sa Paquiba-

to sadtong Marso 1 kag diri niya naksakihan ang harasment sang militar nga nakapwesto sa tsekpoynt. Upod pa ang iban nga nakasakay nga mga residente, ginpapundo sila sa tsekpoynt kag ginapangayuan sang sedula. Ginapilit sang mga suldado nga ang mga sedula lamang nga may inisyal sang isa ka upisyal sang militar sa likod ang pagabatunon. Diri nakig si Damasco kag ang mainit niya nga pagpakigbanggi sa militar amo ang ginpagwa niya sa iya nga programa sa radyo. Si Damasco ang nagpahayag sa harasment nga naagyan ni Sister Stella Matutina kag iban pa nga mga aktibista nga kontra-mina sa Barangay Taytayan, Baganga, Davao Oriental. Si Damasco man ang isa sa mamahayag nga nag-interbyu kay Ka Parago pagkatapos patyon ang anak niya nga si Rebelyn.

Ginkundenar sang National Union of Journalists of the Philippines-Davao ang mabaskog nga harasment sang militar sa mga mamahayag nga nagatinguha nga mabuyag-yag ang mga abuso militar. **AB**

Nadakop nga lider sang BHB, gintortyur sang militar

Ginreport sang anak sang isa ka lider sang BHB nga ginpaidalom sang militar sa mabaskog nga tortyur ang iya amay nga si Reginaldo Alicaba, Sr. ukon "Ka Emong". Naka-*medical leave* si Ka Emong sang siya arestuhon sang militar nga wala sang mandamyento de aresto sadtong Enero 18. Suno kay Rizalyn Manqu- ilimotan, 28, ang nagabanog ang mga talinga, tuhod kag tiil sang iya nga amay sang una niya ini nga makita sa kampo sang Eastern Mindanao Command sa Camp Panacan. Natabo ang pagtortyur bandang Enero 20 antes sila mag-abot sa sa Camp Panacan.

Samtang separado sila nga ginaimbestigar sang militar, nabatian niya halin sa iya nahamtangan ang pagpakitluoy sang iya amay nga nagahambal nga untaton na ang pagpanakit. Pagkaaga, sang dalhon sila sa Camp Panacan, gin-istorya sang iya amay nga gin-

kuryente ang iya itlog kag ginpahog nga utdon ang iya liog kon indi siya makahambal kon diin ang iban niya nga kaupod sa BHB. May isa ka pulgada nga pilas man si Ka Emong sa iya ilong. Para indi makapyan- sa si Ka Emong, ginpasakaan siya sang Criminal Investigation and Detection Group (CIDG) sang walo ka himo-himo nga mga kaso pareho sang *murder*, *kidnapping*, *robbery* kag *arson* kon sa diin tatlo lang ang aktwal nagsambit sa ngalan ni Ka Emong.

Ang pagtortyur sang militar kay Ka Emong lapas sa Artikulo 13 kag 17 sang Geneva Conventions nga nagasiguro nga ang mga nabihag sa gera dapat makabaton sang makatawo nga pagtrato kag indi dapat makaagi sang pisikal ukon mental nga tortyur, ukon iban pa nga tipo sang pagpangpwersa para makuha ang anuman nga impormasyon halin sa ila. **AB**



Pagrekruit sang mga Lumad bilang paramilitar, ginkundenar

Ginkundenar sang KALUMARAN, isa ka grupo sang mga Lumad sa Mindanao ang pwersahan nga pagrekruit sang mga Lumad sa paramilitar nga grupong Task Force Gantangan. Ginahimo nga mga panaming ang mga lumad sa kontra-rebolusyonaryo nga kampanya sang guberno batuk sa PKP-BHB, nga direkta nga paglapas sa mga sandigan nga tawhanong-kinamatarung. Suno kay Dulphing Ogan, pangkabilugan nga sekretaryo sang KALUMARAN, ginapilit ang mga Lumad nga mag-entra sa paramilitar nga pwersa kag kon sila magbalibad, sila ginabansagan nga mga myembro sang Bagong Hangaway sang Banwa kag ginahimo nga target sang harasment.

Masobra 100 Lumad halin sa lima ka mayor nga grupo nga minoriya sa Mindanao ang nagpiket sadtong Marso sa Mines and Geosciences Bureau (MGB) kag sa kampo sang Eastern Mindanao Command sa Camp Panacan pagkatapos sang tatlo ka adlaw nga pagtipon kon sa diin ginpaambit nila ang mga kaso sang pagpamatay kag pagpang-ipit sang militar sa mga Lumad sa lain-lain nga bahin sang Mindanao. Nagapanawagan ang mga nagpiket nga untaton ang militarisasyon sa

kaumhan kag ang pilit nga pagpangrekruit sang mga Lumad para sa mga operasyon militar. Nagapanawagan man sila nga untaton ang pagpang-agaw sang dalagku nga empresa sa pagmina kag mga plantasyon sa ila lupa sang katigulangan nga nangin kabangdanan sang kakulangan sang ila pagkaon.

Ang mga Lumad nga ginrekruit sa grupong paramilitar ginapatrabaho sang 24 oras nga wala sang sweldo. Ginamanduan sila nga magpatrulya sa lugar nga kon kaisa armado lamang sang mga binaanon. Bangud indi na sila makatrabaho, wala na sila sang makaon.

Ang Task Force Gantangan kabahin sang National Internal Security Plan (NISP) para gub-on kuno ang rebolusyonaryo nga kahublagan pagkatapos sang termino ni Gloria Arroyo paagi sa paggamit sang mga pungsodnon nga minoriya sa pagpakig-away sa BHB. Isa sa mga ginahimo sang Task Force Gantangan ang pagtukod sang mga organisasyon nga paramilitar nga ginatawuhan sang mga Lumad nga may mga ngalan nga pareho sang Bagani *force*, Alimaong *tribal justice*, Manggahat kag Alamara. Maluwas sa mga ini nagtukod man

sang Barangay Defense System (BDS) sa mga lugar nga may ara Lumad kag setler nga populasyon.

Hilikuton man sang Task Force Gantangan ang peke nga pagpasur-render sang bilog nga mga komunidad sang mga Lumad kag pilit nga pagpaako sa ila nga myembro sila sang BHB.

Ginapaaway man sila para maguba ang ila paghiliusa kag makasulod ang dalagku nga kumpanya sa pagmina kag mga plantasyon kag makontrol ang ila mga lupa sang katigulangan, suno kay Norma Capuyan, ikaduha nga pangulo sang KALUMARAN. Ang pagsulod sang dalagku nga kumpanya sa pagmina kag mga plantasyon katalagman sa kasiguruhan sa pagkaon sang mga lumad. Indi nila makaon ang *jathropa* (tuba-tuba), nga ginatanom sa masobra 500 ektaryas nga kadutaan sa banwa sang Malungon, South Cotabato. Ara sa South Cotabato, Compostela Valley kag Davao Oriental ang laban sang napulo nga prayoridad nga proyekto sa pagmina sang rehimgeng Arroyo. Ang masunson nga paglunsar sang kaaway sang mabaskog nga operasyon militar sa mga lugar nga ini nagadulot sang malaparan nga dislokasyon sa madamo nga Lumad. AB


Mga sibilyan sa Rizal, ginaipit sang militar

Isa ka barangay kapitan ang ginpatay sang mga elemento sang Charlie Coy sang 16th IB sadtong Marso 28 bangud sa ginasuspetsahan nga nagabulig siya sa Bagong Hangaway sang Banwa (BHB). Si Claudio Lastimada, barangay kapitan sang Macabud, Rodriguez, Rizal kag ang iya ugangan nga si Salvador Abarina napatay sang ambuson sila sang mga armado nga lalaki nga naka-*bonnet*. Tatlo pa ka sibilyan nga upod nila ang nararong sa ambus.

Ang mga kriminal nga nakakampo sa kai-

ping sang San Jose Builders Subdivision sa San Jose Rodriguez, Rizal ginapamunuan ni 2nd Lieutenant Lopez.

Ginasuspetsahan sang militar si Lastimada bangud siya ang nagpahayag sa pulisiya nga may ginsunog nga *dumprtruck* sadtong Enero 3, nga amo ang nagserbi nga paon para ambuson sang BHB ang lima ka pulis halin sa 418th Provincial Mobile Group nga nagresponde. Isa ka pulis ang napatay, isa ang napilasan kag tatlo ang nabihag sa inaway nga ini.



Ginaharas, ginapahog kag ginabakol sang militar ang mga mangunguma, settler kag Dumagat sa mga banwa sang Rodriguez, San Mateo, Baras, Teresa kag Antipolo City bangud sa suspetsa nga sila ang nagbulig sa BHB para matago ang tatlo ka pulis sa sulod sang 83 adlaw nila nga pagkabihag.

Ang 16th IB kilala bilang ginakahadlukan nga batalyon sang Philippine Army nga ginapamunuan sadto ni Gen. Jovito Palparan. Sa idalom ni Palparan responsable ini sa pagpatay sang mga sibilyan kag pagpugot sang pila sa ila nga mga biktima para makatanom sang kahadlok sa mga komunidad nga ginaspetsahan nila nga nagasuporta sa BHB. **AB**

Progresibo nga doktor, ginpatay

Pila ka beses nga gintiro sang mga naka-*bonnet* nga lalaki nga armado sang mga M16 kag kal. .45 pistola si Dr. Bartolome Resuello, 62, sining Abril 1 sa Barangay Cabantuan, Pambujan, Northern Samar. Si Resuello kilala nga aktibista halin pa sadtong panahon sang layi militar. Siya ang ikaduha nga pangulo sang Bayan Muna sa Northern Samar halin pa 2002-2003 kag isa sa mga tagatukod sang PESANTE-Northern Samar, ang militante nga organisasyon sang mga mangunguma sa prubinsya.

Natabo ang pagpatay mga alas-5:30 sang hapon samtang sakay sang motorsiklo ang biktima pakadto sa iya balay.

Una siya nga gintuyo nga patayon sadtong Marso 2006 sang palulan siya sang bala samtang sakay man sa motorsiklo sa Barangay Dona Lucia, Mondragon, Northern Samar.

Mabaskog nga ginkundenar sang KATUNGOD-Sinirangan Bisayas ang pagpatay kay Resuello. **AB**

ANG BAYAN Abril 21, 2009

Protesta batuk sa chacha, liwat nag-arangkada

LIWAT nag-arangkada ang protesta batuk sa plano sang hubon Arroyo nga bag-uhon ang konstitusyon sang liwat magbukas ang Kongreso sining Abril 13. Sadtong adlaw nga ina ginpadayon sang House Committee on Constitutional Amendments ang pagbista sa resolusyon sang mga idu-ido ni Arroyo sa Kongreso nga itransporma ang kapulungan sang Kongreso sa isa ka *constituent assembly*.

Nagmartsa ang mga myembro sang BAYAN sa kahabaan sang karsada pa-Batasan. Ginsumalang nila ang mga myembro sang Kilusang Mayo Uno (KMU) kag mga katapo sang Kilusang Magbubukid ng Pilipinas (KMP) halin sa Southern Tagalog. Ang piket nila sa gwa sang Batasan plano nila ipabilin tubtub Hunyo 6, ulihi nga adlaw sang ikaduha nga regular nga sesyon sang Kongreso.

Nabulabog ang Kongreso kag ginsuspinde ang pagbista sang mag-suot sang mga kalo nga may islogan nga anti-*chacha* ang mga estudyante nga nakaabot tubtub sa entablado sang Kongreso. Ginkumpiska sang mga gwardya ang mga kalo kag ginpahalin ang mga estudyante.

130 eskwelahan, magapasaka sang sukot

NAGAABOT na sa 130 pribado kag pangpubliko nga unibersidad kag kolehiyo ang natalana nga magapataas sang matrikula sa palaabuton nga abreklase. Ini base sa pagmonitor umpisa sadtong Pebrero nga ginhimo sang Tuition Monitor Hotline sang National Union of Students of the Philippines.

Suno sa Commission on Higher Education (CHED), halin 5 % tubtub 10% ang plano nga pagpataas sang matrikula sang mga eskwelahan. Kalakip diri ang 30 pribado nga eskwelahan sa National Capital Region, 26 sa Calabarzon, 15 sa Northern Mindanao, 10 sa Bikol, walo sa Davao, pito sa Soccsargen, anum sa Western Visayas, duha sa Mimaropa kag tag-isa sa ARMM kag CAR.

Daku nga katuntuhan ang kuno pagpauntat sang rehimeng Arroyo sa pagpataas sang matrikula lakip sa mga pangpubliko nga unibersidad kag kolehiyo sa tunga sang nagahagunos nga krisis sa ekonomya. Sa kamatuoran, madamo nga daku nga balayran ang patago nga gin-aprubahan sang University of the Philippines Board of Regents.

Halimbawa lamang sini ang P400 pakadto P1,000 kada yunit nga pagtaas sang matrikula kag P1,530 pakadto P2,330 dugang sa sarisari nga balayran kada semestre para sa mga *graduate student* sang UP Mindanao School of Management; kag P550 pakadto P2,500 kada yunit nga pagtaas sang matrikula sa *graduate program* sang UP Diliman College of Home Economics. May daku nga pagtaas man sa *graduate program* sang School of Statistics kon sa diin P2,500 na ang daan P600 kada yunit nga matrikula kag P2,000 na ang daan nga P300 kada yunit nga matrikula para sa mga bag-o nga estudyante nga nagatrabaho sa gubyerno kag wala sang *scholarship*. Sa mga *graduate program* naman sang UP Extension Program sa Pampanga kag Olongapo, nagtaas ang matrikula halin P1,500 pakadto P2,500 kada yunit.

Samtang, ginhingyo naman ni Bayan Muna Rep. Satur Ocampo sa CHED nga bantayan ang mga pribado nga eskwelahan nga magpataas sang matrikula amo man ang iban pa nga balayran. Suno kay Ocampo, dapat siguruhon sang CHED nga makontrol ang pagtaas sang mga balayran sa mga eskwelahan kag mapuslan ang nagakaigo nga edukasyon sang kada pumuluyo.

Madamuan nga pagsurender sang BHB, ginpanginwala sang NDFP

“BOGUS!” Ini ang bansag sang National Democratic Front of the Philippines (NDFP) sa ginapabugal sini lang sang Armed Forces of the Philippines (AFP) nga kuno madamuan ang pagsurender sang mga katapo sang Bag-ong Hangaway sang Banwa (BHB). Suno sa ginpili nga magabulos sa hepe sang AFP nga si Lt. Gen. Victor Ibrado, masobra 40 katapo sang BHB kag tagasuporta sini ang “nagsurender” sa reaksyunaryong gubyerno umpisa Marso 23 tubtub Abril 16 sining tuig kag nagpaidalom sa “Social Integration Program” (SIP) sang gubyernong Arroyo.

Suno kay Kaupod Fidel Agcaoili,

tagapangulo sang NDFP Human Rights Committee, nagasuporta lamang ang mga pahayag nga ini ni General Ibrado sa mga bukabang-bibig sang AFP nga maguba kuno sini ang armado nga rebolusyonaryong hublag pag-abot sang 2010. Ginbuyag ni Agcaoili nga daku nga bahin sang mga ginatanyag nga kwarta para sa mga “*rebel returnee*” nagakadto sa mga bulsa sang mga kumander sang batalyon kag mataas nga upisyal sang AFP.

Sadtong nagligad nga tuig, P18.8 milyon ang ginbuhos sang gubyernong Arroyo sa bogus nga SIP. Sa idalom sang programa nga ini nga

ginadumalahan sang Presidential Adviser on the Peace Process, nagahatag kuno sang P20,000 sa kada nagasurender kag may dugang nga P50,000 pa kuno kon may dala ini nga armas. Ginhatagan man kuno sila sang amnestiya sa idalom sang Presidential Proclamation 1377 ni Arroyo.

Kon mapatihan ang ila mga pahayag sa midya, dapat tani nagdaog na sila subong pa lang. Apang ang matuod gin-ako mismo sang pamunuan sang AFP nga pangunahon nga katalagman pa gihapon sa seguridad sang reaksyunaryong gubyerno ang BHB.

Armado nga paghimakas sa Peru kag India, padayon nga nagasulong

PADAYON nga nagsulong ang armado nga paghimakas sang mga rebolusyonaryo nga pwersa sa Peru kag India.

Ginbunalan sang mga rebolusyonaryo nga hangaway sang Shining Path ukon Sendero Luminoso ang mga pwersang militar sa nabagatnan-nasidlangan sang Peru. Ang Sendero Luminoso ang armado nga hangaway nga yara sa idalom nga pagpamuno sang Partido Comunista de Peru (PCP). Suno mismo sa Defense Department sang reaksyunaryo nga gubyerno sang Peru, 12 ka suldado lakip ang ila kapitan ang napatay, duha ang napilasan kag isa pa ang nadula sa isa ka ambus nga ginlunsar sadtong Abril 9. Kadam-an sa nagpatrulya nga reaksyunaryo nga suldado nagkalahulog sa banglid pagkatapos habuyan sang mga granada kag dinamita sang mga gerilya.

Ang inaway nga ini ang isa sa pinakamasingki sining nakaligad nga pila ka dekada sa Peru halin sang liwat naglupok ang armado nga rebolusyon nga ginapamunuan sang PCP. Ginapanginwala sang kadalagan nga ini ang nauna nga deklarasyon sang reaksyunaryo nga gubyerno sa Peru nga lusaw na ang armado nga rebolusyon didto pagkatapos madakop sadtong 1992 ang pangunahon nga lider sini si Abimael Guzman.

Samtang sa India, ginlusob sang mga Maoista nga gerilya ang isa ka minahan sang *bauxite* sa nasidlangan na bahin sang India sadtong Abril 13 sang aga. Indi magkulang sa 8 ka pulis ang napatay sa inaway. Wala sang naigo sa mga minero kag empleyado sang kumpanya.

UN, “deklarasyon sang gera” -North Korea

NAGPAHAYAG ang gubyerno sang North Korea sining Abril 18 nga anuman nga silot nga ipapanaog sang United Nations (UN) kaangut sa pagpalupad sini sang *rocket* sadtong Abril 5 ginatumod sini ang “deklarasyon sang gera.”

“Ang rebolusyonaryo nga hangaway sang Democratic People’s Republic of Korea (DPRK) pirme handa mag-aksyon anuman nga oras para silutan sang wala pagpang-alang-alang ang sin-o man ang magalapak sa soberanya kag dungog sang DPRK, siling sang gubyerno.

“Subong ang grupo (ang UN) upisyal na nga nagdeklarar sang kumprontasyon kag gera batuk sa DPRK, magdesisyon ang rebolusyonaryo nga hangaway nga padakuon ang ikasarang pangdepensa sang pungsod kalakip ang nukleyar nga pamugong sang atake sa anuman nga pamaagi...,” siling sang North Korea.

Ang pahayag sang North Korea sabat sa pagkunderang sang UN sadtong Abril 13 sa nasambit nga pagpalupad sang *rocket*. Ang amo nga tikang sang UN ginatulod sang US nga naghambal nga ang pagpalupad sang *rocket* sang North Korea amo ang “pagpanghangkat” lapas sa resolusyon sang UN Security Council sadtong Enero 2006 nga nagadumili diri nga maglunsar sang anuman nga *ballistic missile*.

Ginaduso sang North Korea nga ang solo nga katuyuan sang ginlunsar sini nga *rocket* magdul-ong sa kahaan sang isa ka satelayt nga pangkomunikasyon.

**ANG****Bayan****Pahayagan ng Partido Komunista ng Pilipinas
Pinapatnubayan ng Marxismo-Leninismo-Maoismo**

Edisyong Hiligaynon

Tuig XL No. 8

Abril 21, 2009

www.philippinerevolution.net

Editorial

Baroto nga papel sa nagahagunos nga krisis

Mga baroto nga papel ang ginatanyag ni Gloria Arroyo agud makalampas ang mga mamumugon nga Pilipino sa nagahagunos nga krisis sa ekonomya, pakadto sa iban nga pungsod kon sa diin, siling niya ginatos ka libo nga trabaho ang nagahulat lang sa ila.

Ginalauman ni Arroyo nga sa pagduso sa mga Pilipino nga magtrabaho sa iban nga pungsod matago niya ang nagasagsag nga problema sang disempleyo sa Pilipinas kag mapaguwa nga may balatyagon siya sa mga Pilipino. Ini bisan pa nga daw daku nga *recruiting agency* ang Malacañang. Pero pareho sang iban pa niya nga tikang kag gimik sa atubang sang subong nga krisis sa pangabuhian, wala sang maayo nga mahatag ang mga ini sa pumuluyong Pilipino.


Daku nga katuntuhan ang pagduso ni Arroyo sa mga Pilipino nga magpasimpalad sa luwas sang pungsod. Sini lang nga Abril, matapos magbyahe sa Dubai kag gin-anunsyo ni Arroyo nga may nagahulat nga masobra 200,000 trabaho para sa mga Pilipino didto, nabuyagyag nga pila ka gatos nga migranteng Pilipino ang pila ka bulan na nga nagapangita sang paagi nga makapauli matapos wala sang naabtan nga trabaho didto (*basahon ang kaangot nga artikulo*).

Ginalikom ni Arroyo ang matuod nga kahimtangan sang trabaho sa Dubai kag sa kadam-an sang Middle East. Halin sadtong ulihi nga kwarto sang nagligad

nga tuig, ginatos ka libo nga dumuluong nga mamumugon na ang napahalin kag napauli halin sa Middle East. Ginatantya nga halos katunga sang 13 milyon nga dumuluong nga mamumugon nga ara sa Middle East subong mapahalin kag pagapaulion tubtub sa masunod nga tuig. Nagakapeligro man ang kadam-an sa masobra duha ka milyon nga mamumugon nga Pilipino didto.

Nagadamo man ang kaso sang mga ginapauli nga mamumugon halin sa Europe, Japan, Korea, Taiwan kag iban pa nga pungsod bunga sang pangkalibutanon nga kapitalistang krisis. Ang nagalala nga problema sang mga dumuluong nga mamumugon sa Middle East salaming lamang sang nagakatabo sa bilog nga kalibutan. Sa kamatuoran, daku nga bahin sang ginatantya nga 40 milyon nga mamumugon nga madulaan sang trabaho subong nga tuig mga migranteng mamumugon halin sa mga atrasadong pungsod nga mobligar nga mag-uli na lang kag magadugang sa nagadaku nga disempleyo sa tag-sa nila ka pungsod.

Sa pihak sini, ginaduso gihapon ni Arroyo nga magwa sa pungsod ang mga mamumugon nga Pilipino para hingalitan ang bisan pinakaulihi nga nabilin nga trabaho nga pwede masipot pa sa luwas sang pungsod kag

**Mga tampok
sa isyu nga ini...****Mga hilikuton medikal
sg BHB sa Southern
Mindanao** PAHINA 3**General Sodusta,
napaslawan batuk sa
kahublagan sa Bicol** PAHINA 6**Ika-38 anibersaryo
sg KAGUMA,
gindumdum** PAHINA 7

Mga instruksyon sa paglilimbag

1. Ang **sinundang pahina**, na eksaktong kopya ng pahina 1 maliban sa mas mapusyaw ang *masthead* o *logo* ay para sa mga gumagamit ng *mimeo machine* o naglilimbag sa paraang *v-type*. Idinisenyo ito para hindi madaling makasira ng istensil.

2. Pag-*print* sa istensil:

- a) Sa *print dialog*, i-check ang **Print as image**
- b) Alisin ang *check* sa **Shrink oversized pages to paper size**
- k) I-click ang **Properties**
- d) I-click ang **Advanced**
- e) Tiyaking naka-set sa **100%** ang **Scaling**
- d) Ituloy ang pag-*print*

3. Hinihikayat ang mga kasama na ipaabot sa patnugutan ng *AB* ang anumang problema kaugnay ng paglilimbag sa pamamagitan ng *v-type*. Magpadala ng *email* sa angbayan@yahoo.com